



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 38. Francisci Xaverii progressus Apostolici in Indiis.

[urn:nbn:de:hbz:466:1-66615](#)

rem eligi mereretur, ab eo tamen officio hucusque duntaxat ea ex causa exclusus fuisset, quod insolitam propugnasset sententiam de Canticis Canticorum, & de descensu Christi ad inferos. Castallio hoc Calvini testimonio fretus Basileam contendit, ibidemque perbenigne exceptus vix non eodem momento lingua Græcam tradere jussus est.

Sæcul. XVI.
A.C. 1544.

§. XXXVIII.

Francisci Xaverii progressus Apostoli in Indiis.

Cum interea tumultus, quibus Europa ob Religionis dissidia agitatur, plurimum augerentur, orthodoxa fides in Indiis nova in dies cepit incrementa, Principibus ac populis Christi ta Francisc. Ecclesiæ sese aggregantibus; postquam enim Franciscus Xaverius plus quam integrum annum in ora Piscariæ eo fine absumperat, ut Paravas seu margaritarum Piscatores ad Christi fidem adduceret, tandem exeunte anno reparatæ salutis millesimo quingentesimo quadragesimo tertio Goam reverti statuit, ut ex ea urbe ambos laboris sui socios unacum aliis Viris Apostolicis secum abduceret, quo etiam se contulit, comitantibus eum quibusdam adolescentibus natione Indis, qui in præfatæ urbis Seminario Christianæ fidei mysteriis im-

Maffee hist.
Ind. l. 12.
Orl. hist.
Soc. l. 4.
Tursel. in vi-

Xav. l. 2. c. 1B

bue-

Sæcul. XVI. buerentur, ac progressu temporis in e-
A.C. 1544 gregios Evangelicæ veritatis Præco-
 nes evaderent. Rebus ita dispositis
 anno supra millesimum quingentesimo
 quadragesimo quarto Xaverius ad Para-
 vas rediit, sequentibus eum pluribus Vi-
 ris Apostolicis tam Europæis, quam In-
 dis, eorum tamen nonnullos in præci-
 puis pagis eo fine reliquit, ut anima-
 rum saluti tanquam Pastores invigila-
 rent, puerosque Christianæ doctrinæ
 rudimentis imbuerent; ipse vero ad
 Travancoridis Regnum, quod in Goæ
 Peninsula situm ad occasum Solis ver-
 git, cum reliquis Sociis suis profe-
 ctus est, ibidemque haud minus copio-
 fam, quam antea in ora Piscariæ, Apo-
 stolici laboris messem collegit; quippe
 intra unius mensis spatiū decem mil-
 lia Idololatrarum baptismo expiaverat;
 cum ergo quandoque in una die simul
 omnes unius Pagi incolæ sacro fonte
 tingi peterent, quadraginta quinque Ec-
 clesiæ seu Sacella sub primis abjuratae
 superstitionis auspiciis erigenda erant,
 hancque in rem S. Xaverius, qui ipsius
 singulares hosce Evangelii fructus enar-
 rat, hæc addidit: „Non aliud gratius,
 „jucundiusve spectaculum erat, quam
 „cernere idola, eorumque fana ab his-
 „ce infidelibus ad Christi fidem conver-
 „sis certatim eorumdem pedibus con-
 „cula-

„culcari, atque destrui, id etiam per Sæcul. XVI
 „mittente hujus regionis Regulo, qui A.C. 1544.
 „Lusitanis foedere junctus erat.

§. XXXIX.

Travancoridis Rex Evangelii prædicationi favens.

Equidem ipse Travancoridis Rex Evangelicæ prædicationi favebat, præcipue tamen ipsius studium accenderat successus omni exspectatione major, quo Xaverius ipsos etiam debellabat Badagas, gentem totius hujus regionis longe crudelissimam, nam hi vitam per latrocinia ac rapinas ducere assueti cum ingenti suorum exercitu paulo ante Pisaciam populabundi invaserant, nunc vero ipsum etiam Travancoridis Regnum devastaturi irruperunt: mox vero Xaverius sola Christi crucifixi imagine armatus exiguum Christianorum agmen colligit, atque ad primos usque hostium ordines provolans, vocis suæ vehementia, nec non summa animi, vultusque constantia Barbaros hosce tanto terrore replevit, ut primæ hostium phalanges novo audaciæ miraculo obstupefactæ ceteras a tergo plurimas, confertasque protererent, atque una omnes nullo servato ordine fugam arripare compellerentur. Reportata hac victoria Xaverius eo tempore, quo in Trav-